

DEO OPTIMO MAX.
UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis decimâ-tertiâ
mensis Novembris, anno Domini M. DCC. LXVI.*

M. JOANNE-STANISLAO MITTIÉ;
Regiæ Scientiarum Litterarum Nancei Academiæ Socio,
necnon Stanislai I. Poloniarum Regis, dum viveret Medico
ordinario Doctore Medico, Præsîde.

An ab actione Nervi Diaphragmatici prima inspirationis causa?

I.



RESPIRATIO nobilissima est & utilissima functio illa;
quâ aër pulmones subit & ex illis expellitur. Illius func-
tionis utilitatem, magis quàm mechanismum, nec tamen
totam, norunt omnes. Plerique aërem ducunt & red-
dunt quia ad hoc natura tenetur, non ulterius vero qua-
runt, quid commodi ad vitam afferant motus illi alternati quibus suum
pectus agitur sentiunt & vident. Non verò profanum illud vulgus,
Philosophos & Medicos alloquor, quibus maxima est voluptas naturam
in actu deprehendere. Necessestatem igitur & commoda illius func-
tionis, ne tædiosus fiat labor noster, & actum agere videamur, sciens præ-
termitto. Quis enim Medicos hodiè dubitet, verum hæmatosis orga-
num esse, non ut Veteres crediderunt, hepar, sed pulmones? Ideo
quod in illo viscere sanguis è partibus redux conquassetur ab aëre &
in minores globulos discerpatur. Quis in rebus physiologicis Tyro vel
novissimus, ignorare possit circulationem (præ cæteris certe utilissimam
functionem) immediatè pendere à respiratione, quâ cessante sanguis
stagnat in vasis certaque ingruit mors? Igitur, ut jam diximus, de
illius functionis utilitate & commodis quæ dicenda forent, quibusque
plurima non sufficeret pagina, de industriâ tacemus. Majora nobis ma-
nent enucleanda. Non respirationis jam inchoatæ sed inchoandæ causam
inquirimus, quam quidem causam, ab actione nervi præcipue respi-
rationis organo motum & robur suppeditantis repetimus.

II.

A solis nervis motum & robur mutuari organa nostri corporis, nemo
in dubium revocare potest. Licet enim Auctores quidam lymphæ
nervæ existentiam negent, idè quod oculis eorum non appareat.

A

certissime tamen constat solo illo influxu musculos in motum agi. Cui enim bono cerebrum, cerebellum & nervos formavit alma parens Natura? Cur arteriæ, simul atque in cranium penetraverunt, firmiorem exuunt tunicam? Nonne ut ex illarum poris in mollem cerebri substantiam segregetur lymphæ illa tenuissima & subtilissima, quæ renovando fovendoque motui dicata est? Cur denique in quâcumque corporis parte relecto nervo, partis illius statim perit motus nunquam reditus sanationisque nescia ingruit paralytis? Nihil vani unquam molita est Natura; Sua sunt implenda unicuique corporis nostri organo munia. Arteriæ vehendo sanguini dicantur, venæ revehendo. Admittendo & eijciendo aëri vesiculæ pulmonales sunt destinatæ. In hepate segregatur bilis, in cerebro & cerebello segregantur spiritus animales, illisque vehendis certè dicati sunt nervi; nulla est in illis appareat cavitas. Fluido tenuissimò & insensibili insensibilis sufficere debet canalus. Illorum igitur auctorum pace & veniâ lymphæ nervæ existentiam asserimus, illamque tanquam potentiam motricem musculorum habemus. Sed ut pateat actio nervi, quem primæ inspirationis causam agnoscere volumus varia exponenda sunt systemata, quæ de præcipuo respirationis organo efformata fuerunt:

III.

VETERUM omnium fere unica fuit sententia aërem esse respirationis causam, omniaque organa, quæ huic functioni famulantur, esse passiva. Quàm verò invalidum sit illud systema primo patet intuitu. In cadavere siquidem liber in pulmones aditus aëri permittitur, nec tamen illos subire valet. Pulmones è pectoris cavitate avulli, liberoque aëri undequaque patentes, in eodem flacciditatis statu manebunt, nec è suo collapsu resiliunt, nisi vi quâdam adigatur aër in illorum substantiam. Nullius igitur erit apud nos illa sententia momenti. Non magis nobis ardet, est ingeniosius, systema quorundam neotericorum, qui musculos intercostales, ferratos & alios quàmplurimos respirationis principes agnoverunt; sed organorum illorum brevis & debilitas ad hanc sententiam debilitandam sufficere nobis videntur. Ad respirationem conferre possunt & reipsâ conferunt illi musculi, sed adjutori tantum non principes sunt agnoscendi, respirationisque voluntariæ potius quàm naturalis organa censeri possunt. Denique ad illud systema refellendum satis est, si læsis aut paralyticis musculis intercostalibus respiratio tamen ex æquo ferè perficiatur. Illud autem multis jam comprobatum fuit experimentis. Non ergo magis admittenda est illa sententia. Fuerunt denique auctores qui pulmones ipsos respirationis organum dicere ausi, in viscere tam molli, tam flaccido, vim tantam, quæ costarum & diaphragmatis resistentiam vincere debeat, ponere non erubuerunt. Ex his omnibus systematibus causam primæ inspirationis erucere cum non possimus, querendum est quodnam verum sit & præcipuum respirationis organum, & ex illâ cognitione forsitan emerget causa illa quæ nobis evolvenda incumbit.

IV.

REJECTIS musculis intercostalibus & aliis, unicum manet præcipuum respirationis organum diaphragma, quod est musculus juxta Bartholinum trigaster, ex Winslowio verò digaster tantum, abdomen à thorace obliquè discriminans. Illius musculi quantum debeat esse

robore ex ipsius fabrica patet. Fibris enim carneis ad costas sternum & vertebrae alligatus, centrum habet tendinibus firmissimis radiatum. In fœtu qui nondum aërem hausit & in adulto expirationis tempore profundum effingit fornicem, pulmonesque suâ convexitate premit. Nisi igitur complanetur diaphragma nulla poterit fieri inspiratio; pulmones siquidem ab illo compressi frustra ad dilatationem ententur. A deesse igitur debet causa quæ diaphragma ad expansionem determinet & cogat. Ubinam autem causam illam inveniemus num in necessitate spirandi? Sed cõr existat in fœtu necessitas illa? Aëre non indiget ut in illo circulatio absolvarur, foramen enim ovale officio suo fungeretur donec, aëre intrâ pulmones ad missio, liberum per arteriam pulmonalem in vasa pulmonalia sanguis inveniat transitum. Existit igitur alia causa, quæ merè mechanica est & à situ partium pendere debet. Norunt omnes nervum diaphragmaticum oriri à tertiâ conjugatione cervicali. Sic autem nervus ille suum iter instituit. Partem musculi scaleni anteriorem salutat, deinde in pectoris cavitatem claviculâ coopertus penetrat, tunc parti supræmæ & anteriori pulmonum, supersteritur. Quando autem ad infimam pulmonum partem pervenit, descriptâ quâdam curvaturâ, fluxuoso tramite, ad posticam pulmonum partem vergit, sicque pericardio lateraliter affixus diaphragma petit, in cuius substantiam multis ramificationibus distribuitur. Positâ autem hâc diaphragmatis & nervi diaphragmatici structurâ, systema nostrum sic instituimus. Fœtus in uteri ergastulo inclusus respirationis beneficio non fruïtur, vesicularum pulmonalium ejus parietes ad se invicem collabescunt, ad pectoris cavum viscerum abdominalium mole reflectitur diaphragma. Quando autem subditi luminis auras prodiit tenellus infans, aër quâ datâ portâ irruens os & nares infantuli ferit, hâc insolitâ & certè injucundâ sensatione malè affectus infans clamitare tentat; sed aëris defectu in vanos nifus abit. In vanis autem illis nifibus os aperitur, epiglottidis contractione glottis aperta, liberum in tracheam aëri transitum permittit, aëre distenditur trachea, distenduntur bronchia quæ in dilatatione decurrata, necessariò secum pulmonum principium trahunt, & elevat. Hâc autem pulmonum ascensione vellicatur & ad costas & claviculam promittitur nervus diaphragmaticus, hâc pressione versus diaphragma determinatur latex nervus, hoc latice excitatur diaphragma contrahitur, ad infimum ventrem complanatur, hac diaphragmatis positione expansio pulmonum permittitur, aër sublâtâ diaphragmatis resistentiâ victor evadens vesiculas pulmonales subit, pulmones expanduntur, sicque prima absolvitur inspiratio. Hanc autem subsequi debet expiratio quæ sic periclitur. Complanato diaphragmate sensim sine sensu in omnem crescent dimensionem pulmones, hâc autem tumefactione strangulatur ut ita dicam nervus diaphragmaticus, nerveæque lymphæ præpeditur influxus, tunc sui juris factum diaphragma in fornicem redit pulmonesque aërem haustum evomere cogit.

V.

SED unicuique sua reddere oportet. Non solum in hâc functione ut in priori agit diaphragma, adsunt musculi abdominales qui jus suum reposcunt. Musculi illi nervos ducunt à costalibus qui cum intercostali commercium instituunt. Nervus autem intercostalis est series gangliorum costarum cervici applicatorum, sub pulmonum mole de-

litescentium. Quando intumescunt pulmones comprimi debent ganglia; hinc succus nerveus in illis hospitans celerius ad musculos abdominales amandatur. Hoc autem laticis nervei influxu ad contractionem invitatur musculi abdominales qui hinc ad ossa pubis & ilium annexa; inde verò ad costas, in decurtatione suâ punctum mobile, costas nempe, ad punctum immotum, id est ossa pubis & ilium trahunt: hinc undique præmuntur pulmones, hinc perficitur expinatio. Sed objiciet aliquis; eadem causa eodem tempore agens facit, ut versum diaphragma & musculos abdominales passu æquali ferantur spiritus animales; & certè si res sic se habeat nulla poterit fieri, nequè inspiratio, nequè expiratio; una enim potentia alteram destruet. Vera foret illa objectio, si reverà eodem tempore ad utramque potentiam determinaretur nerveus latex; cum autem multo major sit distantia, ganglia intercostalia inter & musculos abdominales, quàm nervum diaphragmaticum inter & diaphragma, tardiori gressu ad musculos abdominales quàm ad diaphragma feretur fluidum nerveum. Non igitur mutuo sibi officient utraque potentia, & quamvis causæ sint Isochronæ, effectus erunt Heterocroni. Nulla igitur erit adversus nostram thesim illa objectio, & ex rationum quas attulimus momentis concludere posse credimus:

Ergò ab actione Nervi Diaphragmatici prima inspirationis causa.

DOMINI DOCTORES DISPUTATURI.

*M. Claudius - Franciscus
GRANDCLAS, Eques,
Stanislai I. Poloniarum
Regis olim Consiliarius
Medicus, & Regionum
Exercituum à Consiliis
Medicis, necnon Chirurgiæ
Professor.*

*M. Joannes - Franciscus-
Clémens MORAND,
Eques, è Regiâ Scientia-
rum Academiâ Parisiensis,
necnon in Regiâ Invali-
dorum domo assessore Me-
dici renunciatus.*

M. Martinus NOUGUEZ,

*M. Ludovicus - Alexander
GERVAISE, Bibliotheca
Facultatis Præfectus.*

M. Ambrosius HOSTY.

*M. Joannes MACMAHON,
Antiquus Exercituum Re-
gis & Nosocomiorum, Mi-
litarium Medicus, Regiæ
Scholæ Militariæ Medicus
ordinarius.*

*M. Bartholom. LE CLERC,
Consiliarius Medicus Re-
gis ordinarius in ejus Cas-
telletto, necnon utrinque
Pharmacæ Professor.*

*M. Ludovicus - Gabriel
DUPRÉ, Serenissimæ
Principis Condæ Consi-
liarius Medicus.*

*M. Antonius PETIT, è
Regiâ Scientiarum Aca-
demiâ.*

Proponebat Parisiis, LUDOVICUS-HENRICUS BOURDELIN;
Saluberrimæ Facultatis Medicinæ Parisiensis, Baccalaureus,
Thesq̃os Auctor, A. R. S. H. 1766. A SEXTA AD MERIDIEM.